



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Brevissima Ad
Perfectionem Via: Hoc Est, De Perenni divinæ voluntatis intentione,
executione, apprehensione

Družbicki, Kaspar

Ingolstadii, 1732

VD18 90066340

Caput XIV. Quibus mentis affectibus Divina Voluntas sit à nobis
exercenda?

urn:nbn:de:hbz:466:1-45352

grediar, rationes à me præscriptæ tum demum efficaces erunt, quando diligenter exercebuntur: diligentiam verò acuent multa, de quibus cum toto hoc tractatu sparsim, tūm potissimum c. 7. & hoc ipso, cum de promptitudine intentionis disputavi. Sed nihil magis eam conservabit, quam examen frequens quotidianumque, pæna etiam inficta, si negligentia subrepserit, denique oratio ad Deum, ac potissimum illa, ab ipso Deo in hunc finem instituta. Fiat Adoranda, fiat Sanctissima Voluntas tua, à me, in me, de me, per me &c. Vult enim Deus, ut hoc petamus à Deo fieri, & in hoc ipso est exequenda Voluntas ejus, quia ille vult à se peti, ut fiat Voluntas ejus. Tantus est æstimator Deus voluntatis suæ. Sed ecce in altum provehor, nolo autem cùm ad finem festinârim.

C A P U T XIV.

*Quibus mentis affectibus Divina Voluntas
sit à nobis exercenda?*

84.

Fermè hactenùs solum intellectum instruxi, quâ ratione se in hoc altissimo exercitio gerere, quomodo illud sibi familiare debeat reddere: instruendus etiam est affectus; sive, voluntati sunt suggesti affectus, quibus voluntatem DEI exercere & intendere quis posse sit.

Ac primum omnium, Amore vehementi & intenso, magnâque æstimatione rapi debet. Et quis non amet, non æstimet voluntatem DEI,

qnz.

quæ ipse Deus est, imò quâ solâ Deus nobis bonus est? Nullo enim alio attributo se nobis communicat, nisi voluntate, Nullo alio benè facit, benè vult, nullo nos amat, curat, tuetur, nisi voluntate. Intellectu suo nos scit amare, creare, salvare, &c. Sed voluntate suâ nos creat, amat, salvat, beat: quis item non æstimet hoc exercendæ Dei voluntatis studium, quod Deus ac Christus, summi utique Magistri & rerum æstimatores fecerant, & faciunt. Liceat aliquid dicere: Fuisset in mundo æstimatio voluntatis Dei Christus non venisset, peccatum non fuisset, infernus non fuisset; da illam & modo, extinxisti inferorum incendia.

Secundò. Reverentiâ Divinæ voluntatis decet nos duci ad exercitationem ejus. Dignissima quippe est omni honore, omni cultu, omni veneratione, quippe quæ sit Deus ipse, & per quam Deus quam maxime Majestatem suam prodit: quam Deus ipse in semetipso vel maximè veneratur (simodo in Deo est sui saltem reverentia, est certè æstimatio dignitatis, & procuratio tantum non ambitiosa, quia meritissima) adeò ut probet nihil, nisi quod è voluntate ejus factum: culpet nihil puniatque, nisi quod alienum ab ejus voluntate.

85.

86.

Tertiò. Timore filiali & casto, duci nos oportet ad exequendum quod Deus vult. Non timeat filius Patris voluntatem transgredi, negligere, oblivisci? & quæ certior via excidendi à gratiâ, quâm neglectorem inveniri voluntatis Dei? Times à Deo malum pænæ? time à te, &

F 2

fuge

fuge malum culpæ: culpa sola est recessisse à Dei voluntate.

87.

Quartò. Humilitate, & propriæ indignitatis, ineptitudinisque reputatione ad Dei voluntatem exequendam eundum est. Quidni enim se humiliet res vilissima, cernens se tantæ & tam puræ, tam dignæ rei exequendæ, conficienda, que instrumentum assumi? Homo, actio humana instrumentum sit tam sanctæ, tam puræ, tam dignæ voluntatis? Magnum erat, & nimis magnum homini voluntatem Dei vel à longè intuendam ostendi, etiam ad efficiendum eam affluitur, etiam compellitur, & præmiis invitatur.

88.

Quintò. Fiduciâ nos trahi ad id oportet voluntatem DEI faciamus: fiduciâ, inquam primò facilitatis in exequendo: Dei enim negotium est, quando ejus Voluntas agitur, ego instrumentum sum, voluntas Dei materia est. Eadem voluntas artifex est: Si vult benè fieri ab instrumento opus suum, adhibet industriam suam, & adhibebit sine dubio, modo non desim ego, non desim, subtrahendo me, importunum aliquid de meo adferendo, quod ejus purissimæ Voluntati imisceri non possit, non deceat. Fiducia deinde tam propinqui auxilii, tam intimæ divinæ mecum præsentiaz. Non est Deus, mecum praesens, cuius voluntatem in manu habeo? Voluntas certè ejus, præsentia ejus. Ergo dum facio ejus voluntatem, facio & præsentiam; & quid metuam, quo egeam, Deo præsente in manibus meis præsentia ejus, cum volo facio illam, & est amplius quod velim? Ita mihi pra-

sens est. quomodo ego facio. Si Deus tibi daret potestatem, ut Deo posses præscribere decreta tuæ salutis, non esses certus de salute? non sperares saltem? Ecce voluntas ejus in manu, fac illam qualem vis. ad hoc tibi proposita, imò & imposta est, ô homo, ut facias illam: facias, inquam, tibi salutarem, te sanctificantem, te justificantem, te roborantem, te exornantem, te cælis dignum reddentem; quem incusabis si perieris? quid amplius tibi facere Deus debuit? En tibi dicit, Habes in manu tuâ voluntatem meam, qualem illam censes ex tuo usu, talem finge, talem forma. Voluntas mea est, ut salveris; hæc voluntas in manu tua est, ut eam facias; quidni facis? Volo ego pro te sententiam ferre; hanc voluntatem tibi do in manus, effice illam, fert illam pro te: ratum habeo. non vis: quid te perire doles?

Sextò. Atque hinc surgat necessariò admiratio atque stupor: Creaturam tām familiariter cum Creatore agere, posse, cogi, ut in manibus suis habeat, fingat, fabricet Voluntatem ipsius, ut videat Deum tām intimè sibi in omnibus cooperari, secum agere omnia, sibi sua agenda committere omnia.

Septimò. Desiderium Deo obediendi hic nosducere debet, est enim hæc exercitatio, ut alias innui, perpetua obedientia. Ex quo con-surgit.

Ottavò. Gaudium de certitudine, quod non aberres, utpote, qui tibi conscius sis te in luce Dei vivere, & agere, te ex mente Dei operari omnia, imo mentem & voluntatem Dei in omni-

bus operari , nihilque tuum quærere , sed solius Dei , soli voluntati ancillari , omnesque tuas vires & actiones , & potentias impendere.

90.

Nonò. Unde ultra dignitur sui abnegatio , expropriatio , annihilation , seu Spiritus paupertas , dum homo nihil de suo judicio statuit nihil de suo commodo querit , nihil de suo arbitrio operatur , sed hoc solum judicat faciendum , solum hoc judicat bonum , quod Deo videt placitum ; nunquam quidquam de suo adfert ad opus , praeter libertatem , quâ vult liberè , Dei non suam voluntatem facere , & hanc ipsam libertatem agnoscit è Dei voluntate esse , quia enim Deus vult illum liberè operari , liberè operatur : & ita hoc ipsum non hominis , sed Dei est , in quo vera & genuina hominis expropriatio est . Nam nihil homo videt in opere suo suum , Non externum opus , quia hoc Dei est ; non voluntatem operis , quia hæc etiam Dei est ; ideo enim opus fecit , quia illud Deus fieri voluit ; Non executionem ejus divinæ voluntatis , quia etiam hæc Dei est ; Deus enim hanc executionem voluit , quando opus fieri voluit . Non executionis modum & circumstantias , quia & has Dei voluntas præscripsit , & absorpsit . Non libertatem executionis , quia & hoc ipsum Deus voluit , & ideo executus est , quia Deus liberè exerceri , fierique suam voluntatem voluit : præterquam , quod illam Deus fecit , & homini dedit . Unde jam homo in opere suo , ut dicebam , nihil videt suum , sed omnia Dei , & ubique Deum , imò ne opus quidem , sed solam Dei voluntatem ,

tatem, quæ tam opus, quam omnes alias circumstantias ejus ita sibi vendicavit, ut quidquid sit in eo, totum sit voluntas DEI, totum DEI.

Decimò. Atque ex hoc non possunt non surgere in homine exultationes mentis, quies animi, limpida quædam præsentis & vicini Dei contemplatio, exosculatio ejusdem, amplexus & basia: dum se homo à sui servitio exemptum, totum Dei factum, instrumentum Dei redditum, in Deum absorptum, à Deo regi, Deo vivere, hoc est, per Deum, & propter Deum, suos actus, Dei actus, se non in se, sed in Deo durare, moveri, vivere, esse, agere, videt.

91.

Hos scilicet omnes actus & affectus homo pro suo modulo, nunchos, nunc illos sentire, & afferre deberet ad voluntatem Divinam, quando eam executurus est. hos etiam haurire deberet ex eâdem, quando eam executus est: hos denique quando in se, & quantò in se plus minusve experietur, tantò plus tantoque minus se in hoc exercitio beatissimo profecisse intelligere debet. Horum affectuum, aliquorum saltem, praxim attexere mihi visum est, ad cuius normam alii affectus exerceri poterunt, cum Voluntas Dei agnita, intendenda erit in opere. Ergo ubi cognovi Voluntatem esse Dei, ut v. g. orem nunc, dicam corde vel etiam ore. *Est voluntas tua Domine, ut ego nunc orem? amo istam Voluntatem tuam valde, & ideo orare jam volo. Est Voluntas tua Domine, ut ego nunc studio scienti e me occupem? Gaudeo hanc esse voluntatem tuam, eamque exosculor, atque jam exequor. Est voluntas tua*

F 4

tua

tua Domine, ut cibum sumam? O mi Deus etiam hoc tibi placuit velle à me fieri? facio pure quia ita vis. Est voluntas tua Domine, ut ego scribanus tantiné sum ego tibi vermiculus, & minima portio creature tuæ, ut dignum ducas tuam mibi Voluntatem ostendere, & pro me illam perficere? Fiat Voluntas tua. Vel: Non sum dignus ut faciam Voluntatem tuam, quia tamen tu vis, fiat Domine am & per me.

Hæc sufficient. Et quia res hæc magni momenti est, adeò ut totius structuræ sit basis & cardo, Considerationem apponam, quā haec omnia, quæ hactenus fusius dicta sunt, in unum contraham, fontesque tum præcedentis capituli praxium, tum hic expositorum affectuum explicabo, quo in promptu sit, mentem ad hujus exercitii saluberrimi usum identidem excitare atque prædictorum memoriam refricare.

C A P U T X V .

Consideratio ad cognitionem, amorem, & ercitationem Divinæ Voluntatis mentem permovens.

& prædictorum summam magna parte complectens.

92. **L**ongior hæc (ut patebit) erit Meditatio, in quibusdam etiam punctis difficilior; cogit enim sic rei necessitas, magnitudo, obscuritas. Erit tamen fæcunda & practica, neque gressu privabit. abundat convictionibus intellectus, profuturisque conclusionibus. Meditatis erit, Voluntatem etiam ad id quod probabit.